

REGLUGERÐ RÁÐSINS (EB) nr. 1592/96**frá 30. júlí 1996****um breytingu á reglugerð (EBE) nr. 822/87 um sameiginlega skipulagningu vínmarkaðarins(*)****RÁÐ EVRÓPUSAMBANDSINS HEFUR,**

með hliðsjón af stofnsáttmála Evrópubandalagsins, einkum 43. gr.,

með hliðsjón af tillögu framkvæmdastjórnarinnar ⁽¹⁾,

með hliðsjón af álitum Evrópuþingsins ⁽²⁾,

með hliðsjón af álitum efnahags- og félagsmálanefndarinnar ⁽³⁾,

og að teknu tilliti til eftirfarandi:

Bannað er að gróðursetja nýjan vínvið til 31. ágúst 1996. Með tilliti til markaðsstöðu víngeirans er rétt að framlengja núverandi bann um tvö vínár á meðan beðið er ákvarðana ráðsins um umbætur í geiranum. Hins ber þó að geta að bannið skal í fyrsta lagi ekki ná til svæða sem ætluð eru ræktun vínberja til neyslu, og í öðru lagi þarf að gera ráð fyrir undanþágum vegna tiltekinna vína sem eftirspurn er eftir á markaðinum vegna sérstakra gæða þeirra.

Veita ætti tímabundna undanþágu að því er varðar blöndun og heildarinnihald síru í tilteknum tegundum borðvíns, sem eru framleiddar á Spáni, til þess að taka tillit til þeirra sérstöku skilyrða sem ríkja við framleiðslu borðvíns í því aðildarríki. Undanþága varðandi heildarinnihald síru ætti einnig að ná til borðvína sem framleidd eru í Portúgal.

Í 3. mgr. 17. gr. reglugerðar ráðsins (EBE) nr. 822/87 ⁽⁴⁾ er kveðið á um að tiltekin afsýrunaraðferð sé aðeins leyfileg til bráðabirgða. Til þess að unnt sé að taka endanlega ákvörðun um þessa aðferð skal halda viðteknum framleiðsluáðferðum, að minnsta kosti til loka vínársins 1996/97.

(*) Þessi EB-gerð, sem birtist í Stjttíð. EB nr. L 252, 4. 10. 1996, bls. 10, var nefnd í ákvörðun sameiginlegu EES-nefndarinnar nr. 102/97 frá 15. desember 1997 um breytingu á bókun 47 við EES-samninginn um afnám tæknilegra hindrana í viðskiptum með vín við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

⁽¹⁾ Stjttíð. EB nr. C 125, 27. 4. 1996, bls. 45.

⁽²⁾ Stjttíð. EB nr. C 166, 10. 6. 1996.

⁽³⁾ Stjttíð. EB nr. C 204, 15. 7. 1996, bls. 57.

⁽⁴⁾ Stjttíð. EB nr. L 84, 27. 3. 1987, bls. 1. Reglugerðinni var síðast breytt með reglugerð (EB) nr. 1544/95 (Stjttíð. EB nr. L 148, 30. 6. 1995, bls. 31).

Þar sem bannið við gróðursetningu nýs vínviðar nær ekki til svæða, sem ætluð eru til ræktunar vínberja til neyslu, ætti ekki lengur að heimila að vín sé unnið úr slíkum vínberjum og því er rétt að breyta 1. mgr. 36. gr. reglugerðar (EBE) nr. 822/87 í samræmi við það. Þó er rétt að framleiðendur fái frest til að laga sig að nýja kerfinu og því verði þessu ákvæði ekki beitt fyrr en 1. ágúst 1997.

Í 12. mgr. 39. gr. og 6. mgr. 65. gr. reglugerðar (EBE) nr. 822/87 er kveðið á um að á vínárinu 1995/96 skuli framkvæmdastjórnin leggja skýrslur fyrir ráðið um áhrif skipulagsráðstafana, og hvernig þær tengjast skyldubundinni eimingu, og um hámarksinnihald brennisteinsdíoxíðs í víni og tillögur þar að lútandi. Vegna stefnubreytinga í geiranum er ekki lengur þörf á skýrslum um vínræktarsvæði, áhrif skipulagsráðstafana og hvernig þær tengjast skyldubundinni eimingu. Framkvæmdastjórnin lagði nýverið fram skýrslu um auðgun víns. Því er ekki lengur þörf á að vísa til fyrrnefndra skýrslna.

Í 4. mgr. 46. gr. reglugerðar (EBE) nr. 822/87 er kveðið á um að átak til að ýta undir neyslu þrúgusafa megi aðeins standa til vínársins 1995/96. Rétt er að framlengja það um eitt vínár svo meta megi árangur þess.

Þróun í vínframleiðslugetu sumra framleiðsluhéraðanna, sem um getur í 3. mgr. 39. gr. reglugerðar (EC) nr. 822/87, hefur haft mikil áhrif í ýmsum undirhéruðum, og þar af leiðandi kann að reynast erfitt að nota sumar viðmiðanir sem settar eru fram í téðri málsgrein. Rétt er að kveða á um að tekið verði tillit til framangreindrar þróunar á framleiðsluárinu 1996/97.

Það er afar brýnt fyrir geirann að vandamálið varðandi brennisteinsdíoxíð verði leyst og því er þörf tillagna sem taka mið af öllum fáanlegum gögnum, einkum verkum frá Alþjóðavínskrifstofunni (IWO). Því er rétt að framlengja frestinn um eitt ár.

Á grundvelli fenginnar reynslu er rétt að bæta tveimur þáttum, sem tengjast freyðivínsframleiðslu, á skrá um leyfilega vínfræðilegar vinnsluáðferðir og vinnslu.

SAMÞYKKT REGLUGERÐ ÞESSA:

1. gr.

Reglugerð (EBE) nr. 822/87 er breytt sem hér segir:

1. Í stað 1. mgr. 6. gr. komi eftirfarandi:

„1. Öll gróðursetning vínviðarafbrigða annarra en þeirra sem aðeins teljast ræktuð vegna vínberja til neyslu samkvæmt flokkun hlutaðeigandi stjórnsýslueiningar verður bönnuð til 31. ágúst 1998.

Þrátt fyrir það geta aðildarríkin veitt leyfi til gróðursetningar nýs vínviðar á svæðum sem ætluð eru til framleiðslu á:

- gæðavínum sem framleidd eru í tilgreindum héruðum, eða
- borðvínnum sem lýst er sem einhverju eftirfarandi: „Landwein“, „vin de pays“, „indicazione geografica tipica“, „Πρωτογενής Ελεγχόμενη Πρωτογενής“, „Πρωτογενής Ορεινή“, „vino de la tierra“, „vinho regional“ eða „regional wine“.

en framkvæmdastjórnin hefur viðurkennt að vegna tiltekinna eiginleika þeirra nægi framleiðsla hvergi til að anna eftirspurn.

Önnur undirgrein skal gilda innan 10.000 hektara heildarsvæðis, sé um að ræða gróðursetningu nýs vínviðar á markaðsárinu 1996/97 og/eða 1997/98 í samræmi við eftirfarandi úthlutun:

Þýskaland:	289
Grikkland:	208
Spánn:	3 615
Frakkland:	2 584
Ítalía:	2 442
Lúxemborg:	4
Austurríki:	139
Portúgal:	719.“

2. Í þriðju undirgrein 5. mgr. 16. gr. komi „frá 1. janúar 1996 til 31. ágúst 1997“ í stað „frá 1. janúar til 31. ágúst 1996“.

3. Í 3. mgr. 17. gr. komi „31. ágúst 1997“ í stað „31. ágúst 1996“.

4. Önnur undirgrein 3. mgr. 18. gr. falli niður.

5. Í stað 1. mgr. 36. gr. komi eftirfarandi:

„1. Frá 31. júlí 1997 skal vín unnið úr þrúgum afbrigða sem ekki eru skráð sem þrúguafbrigði í flokkun vínviðarafbrigða hjá stjórnsýslueiningu uppskeru-staðar, og sem ekki er flutt út á viðkomandi vínári, eimað innan tímamarka sem ákveðin verða síðar. Ekki má flytja það annað en til eimingarstaðar nema til komi undanþága.

Frá og með 1. ágúst 1997 er bannað að vinna vín úr þrúgunum sem um getur í fyrstu undirgrein.“

6. Í 39. gr.:

a) komi „til loka vínársins 1996/97“ í stað „til loka vínársins 1995/96“ í þriðju undirgrein 3. mgr.;

b) komi „frá vínárinu 1997/98 og áfram“ í stað „frá vínárinu 1996/97 og áfram“ í fjórðu undirgrein 3. mgr.;

c) í 10. mgr.:

- komi „1996/97“ í stað „1995/96“;

- bætist við eftirfarandi undirgrein:

„Þrátt fyrir þessa grein og að beiðni hlutaðeigandi aðildarríkis má skipta magninu, sem á að eima í tilteknu héraði á markaðsárinu 1996/97, niður á undirhéruð sem verða skilgreind síðar, í samræmi við viðmiðanir sem vísa til annars en þess sem annar undirliður þriðju undirgreinar 3. mgr. tekur til. Úthlutun magnsins og skipting niður í undirhéruð ákvarðast í samræmi við málsmeðferðina sem mælt er fyrir um í 83. gr.“;

d) komi „1996/97“ í stað „1995/96“ í 11. mgr.;

e) falli 12. mgr. niður;

7. Í 4. mgr. 46. gr. komi „1996/97“ í stað „1995/96“.

8. í 65. gr.:

a) bætist eftirfarandi undirliður í lok b-liðar í 2. mgr.:

„- hvít gæðavín fth sem upprunnin eru í Breska konungsríkinu sem er lýst og þau kynnt í samræmi við breska löggjöf með hugtakinu „botrytis“ eða öðrum samsvarandi hugtökum, til dæmis „noble harvest“, „noble late harvested“ eða „special late harvested“.“;

b) komi „1. apríl 1997“ í stað „1. apríl 1996“ og „1. september 1997“ í stað „1. september 1996“ í 5. mgr.

9. Í stað þriðju undirgreinar 13. liðar I. viðauka komi eftirfarandi:

„Á vínárinu 1996/97 skal heildarinnihald síru í borðvíni, gefið upp sem vínsýra, sem er framleitt í Portúgal og spænska hluta vínræktarsvæðisins C, annars staðar en í Astúríu-héruðum, Baleareyjum, Kantabríu og Galísíu og héruðum Guipúzcoa og Vizcaya, og sett á portúgalskan og spænskan markað eftir því sem við á, ekki vera minna en 3,5 grömm á hvern lítra.“

10. Eftirfarandi liðir bætist við 3. þátt VI. viðauka:

„ta) notkun gers til vínframleiðslu, þurrs eða í vínlausn, til framleiðslu freyðivíns;

tb) við freyðivínsframleiðslu, að ammóníumsöltum og þíamínsöltum er bætt út í grunnvínin til að örva gervöxt, með eftirtöldum skilyrðum:

- að því er varðar næringarsölt, tvíammóníumfosföt eða ammóníumsúlfat að hámarks magni 0,3 g/l (gefið upp sem salt),

- að því er varðar vaxtarörvun, þíamín í formi þíamínhýdróklóríðs að hámarks magni 0,6 mg/l (gefið upp sem þíamín);“.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópubandalaganna*.

Hún kemur til framkvæmda frá og með 1. september 1996.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30. júlí 1996.

Fyrir hönd ráðsins,

H. COVENEY

forseti.